

INFORMACIJE ZA RODITELJE

Poštovane dame i gospodo,
Dragi roditelji i staratelji školske i predškolske djece,

Nakon ljetnog raspusta započeli su sa radom škole i vrtići, u prilagođenom obliku. Od tada je zaštita od infekcije dobila visoki prioritet u zajednički korištenim ustanovama. Ministarstvo kulture savezne države Hessen objavilo je revidirani opći higijenski plan (verzija 6.0 od 28.09.2020. godine), koji se provodi u školama u Offenbachu. Gradski zavod za javno zdravstvo (Stadtgesundheitsamt) izradio je dodatne higijenske preporuke, koje se također provode.

Nakon ljetnog raspusta u Offenbachu, uz pomoć prilagođenih lokalnih ograničenja, bilo je moguće kontrolirati proces zaraze na takav način, da zdravstveni sistem ne bude preopterećen, a škole i vrtići mogli su ispuniti svoje obrazovne i nastavne zadatke, bez ponovnih značajnih ograničenja. Na taj način bilo je moguće izbjeći zatvaranje ustanova na duže vrijeme.

Trenutni razvoj novih infekcija sa Covid-19 na cijelom području Rajne-Majne ponovo zahtijeva odgovarajuću reakciju gradskih vlasti, kako bi se mogao kontrolirati proces zaraze u jesen i narednih zimskih mjeseci.

Trenutno je u Offenbachu registriran veliki broj novih infekcija sa Covid 19. Sedmodnevna incidencija 16. oktobra 2020. iznosila je 110,5 slučajeva na 100.000 stanovnika. Prema trenutnim naučnim saznanjima, djeca igraju vrlo podređenu ulogu u prenošenju virusa. Nakon ustanovljenja pozitivnog slučaja korone u školskom razredu ili vrtiću, testirano je do sada oko 2.500 djece u Offenbachu. Ustanovljeno je samo nekoliko pozitivnih rezultata ispitivanja, tako da je vjerovatnoća infekcije među djecom do sada bila vrlo niska, kažu u gradskom zavodu za javno zdravstvo. Djeca se većinom zaraze kod odraslih. Ovi rezultati nisu razlog za zabrinutost, ali zahtijevaju koordinirano preventivno djelovanje, kako bi se osiguralo da ustanove mogu nastaviti sa radom nakon jesenjeg raspusta.

Mjere u srednjim školama od petog razreda

Grad djeluje u skladu s modelom eskalacije i prevencije države Hessen i u koordinaciji sa susjednim gradovima, okruzima i ministarstvima. Dvije sedmice nakon jesenjeg raspusta, srednje škole od petog razreda su obavezne preventivno nositi zaštitnu masku za usta i nos tokom nastave. Fizičko vaspitanje može se održavati samo bez kontakta. U vrtićima vaspitačice i vaspitači će također nositi masku izvan svojih stalnih grupa. Nažalost, ova zaštitna mjera i strogo rastavljanje grupa u vrtićima mogu dovesti do smanjenja radnog vremena u pojedinim vrtićima.

Te su mjere trenutno najefikasnije sredstvo za sprječavanje širenja virusa korone i zatvaranja škola ili vrtića na čitavom području. Obaveza nošenja maski je adekvatna u odnosu na trenutno stanje. Ona predstavlja manje ograničenje prava pogođenih osoba, koji bi bili u mnogo težoj situaciji u slučaju daljnjih mjera zatvaranja ustanova. Uzročnik povećanja broja lokalnih infekcija i dalje ostaje rizično ponašanje dijelova stanovništva, koji se ne pridržavaju pravila o odstojanju i higijeni. Još uvijek dolazi do infekcija prilikom putovanja u rizična područja. Nažalost, jesenje temperature i vrijeme sa malo sunca pogoduju širenju virusa korone. Stoga apeliramo, da redovno provjetravate svoje zajedničke prostorije.

Državna i gradska policija vrši pojačane kontrole u gradu, barovima, restoranima i autobusima komunalnog preduzeća Offenbacher Verkehrsbetriebe, u svrhu provođenja mjera nošenja maski za usta i nos i ograničenja kontakata.

Offenbach
am Main

OF

Nakon jesenjeg raspusta, nastavit će se prilagođeni redovni rad u školama, uslovljen koronom. Obratite pažnju na dodatne propise i zamolite svoje dijete da se ponaša u skladu s tim.

Ponašanje vezano za infekcije u vrtićima i školama

Roditelji se uvijek iznova brinu, kako će se gradski zavod za javno zdravstvo ponašati kod pojave infekcije u školi njihovog djeteta. Želimo vas obavijestiti, da se mogući rizik od zaraze u školi razmatra individualno, kod svakog pojedinačnog slučaja zaraze. Postupak djelovanja nije uvijek isti kao kod prethodnih slučajeva. Ljekari gradskog zavoda za javno zdravstvo provjeravaju u svakom pojedinačnom slučaju, na osnovu različitih faktora rizika, treba li čitav razred ili vrtić ići u karantenu i/ili testirati se ili samo nekoliko djece pojedinačno. Procjena rizika vrši se prema definiranim kriterijima. Između ostalih, radi se o sljedećim pitanjima: Da li se stalno nosila maska za usta i nos? Da li je dobro zračena prostorija? Kako su djeca sjedila zajedno? Koliko je blizak bio kontakt s kojom djecom? Koliko dugo je dijete bilo zarazno prije nego što se saznalo o zarazi? Gdje i koliko dugo je boravilo u školi u to vrijeme?

Pitanje, da li će se neko dijete testirati, uvijek ovisi o raspoloživim ljekarskim i laboratorijskim kapacitetima. Pacijenti sa simptomima uvijek imaju prioritet nad slučajevima gdje postoji samo sumnja i koji su bez simptoma. Pored toga, mora biti na raspolaganju dovoljno kapaciteta za testiranje osoba iz rizičnih grupa, u koje djeca obično ne pripadaju. Ipak, gradski zavod za javno zdravstvo i dalje pokušava organizirati mogućnosti testiranja za djecu, kad god je to moguće.

Sljedeće pitanje odnosi se na obavještanje roditelja. U zadnje vrijeme, to nije bilo moguće učiniti blagovremeno u svim slučajevima. Praćenje kontakata izuzetno je dugotrajan zadatak, koji zavod za javno zdravstvo obavlja sedam dana u sedmici, od ranog jutra do kasno u noć. Praćenje kontakata predstavlja veliki napor kod porasta broja infekcija. Stoga, u pojedinačnim slučajevima, roditelji možda neće dobiti obavijest od zavoda za javno zdravstvo. To se posebno događa, ako zavod za javno zdravstvo smatra, da za to dijete nisu neophodne daljnje mjere.

Informacije za roditelje na internetu i na info-telefonu za roditelje

Potpuno razumijemo, da biste kao roditelji i staratelji željeli biti opširno informisani o mogućem slučaju zaraze u ustanovi vašeg djeteta. Međutim, već danas vas molimo za razumijevanje, ako u budućnosti možda bude češćih situacija u kojima će se informacije prosljeđivati samo preko rukovodstva škola i vrtića, kako bi se što je moguće više izbjegla odlaganja u radu zavoda za javno zdravstvo.

Stoga vas molimo, da prvo kontaktirate svoju školu ili vrtić, ako su vam potrebne informacije. Gradski zavod za javno zdravstvo ne može više blagovremeno odgovarati na upite, koje svakodnevno prima od drugih građana.

Kako bismo vam pored škole i vrtića ponudili još jednu službu za kontakt, vjerovatno će od srijede, 21. oktobra pored telefona za građane biti otvoren i telefon za roditelje. Možete nas od ponedjeljka do petka od 10 do 16 sati dobiti na telefon broj 069 840004-567. Tamo ćete dobiti opće informacije o karanteni, testovima i bolesti Covid-19. Obrazac za kontakt gradskog zavoda za javno zdravstvo kao i dodatne informacije za roditelje možete dobiti i putem interneta na www.offenbach.de/corona-eltern.

Dodatne mogućnosti informisanja:

- Ured za odnose s javnošću pružio je višejezične informacije povratnicima s putovanja, koje se mogu preuzeti na sljedećem linku www.offenbach.de/reiseinfo. Ovaj link se može prosljeđivati dalje putem messenger usluga, jer se ovdje ne šalju nikakvi lični podaci.

Srdačani pozdravi,



Sabine Groß
Direktorica vrtića



Paul-Gerhard Weiß
Direktor škole

Offenbach na Majni, 22. oktobar 2020. godine